



SEMANGAT...peserta Ekspedisi Berbasikal 1Malaysia Pekan-Putrajaya melalui Jalan Kuantan-Gambang.

## 55 kayuh basikal ke Putrajaya

Metro  
(Selangor)  
(Chorus 8/6/11)  
ms 32

**P**EKAN: Persediaan lebih sebulan menjadi pembakar semangat 55 pelajar Sekolah Menengah Kebangsaan (SMK) Tengku Abdullah, di sini, mengayuh basikal 322 kilometer pada Ekspedisi Berbasikal 1Malaysia Pekan-Putrajaya bermula kelmarin.

Turut menyertai program julung kali diadakan itu ialah 55 penuntut Universiti Malaysia Pahang (UMP) yang akan berpeluang bertemu Perdana Menteri, Datuk Seri Najib Razak, esok.

Pelajar, Mohd Naim Zulkifli, 17, berkata latihan berterusan melalui Jalan Kuantan-Pekan dan Jalan Pekan-Rompin memberi pen-

dedahan kepadanya untuk lebih bersedia menyertai ekspedisi ini.

Menurutnya, sepanjang lebih sebulan berlatih mereka mengayuh basikal kira-kira 1,000 kilometer yang berupaya memberi gambaran sebenar terhadap cabaran yang bakal dihadapi.

"Selain ingin buktikan kebolehan mengayuh basikal sejauh 322 km selama empat hari, peluang bertemu Perdana Menteri menjadi fokus utama penyertaan saya.

"Peluang bertemu Perdana Menteri dan melawat Putrajaya akan menjadi kenangan yang tidak mungkin dapat dilupakan sampai bila-bila," katanya yang me-

netap di Kampung Mengkasar, di sini.

Katanya, kejayaan menyertai program itu diharap menarik minat lebih ramai belia terbabit aktiviti berbasikal secara sihat dan selamat mengikut peraturan.

Rakannya, Muhamad Nuraddin Nazri, 17, berkata, dengan menyertai ekspedisi itu, ia menguji ketahanan fizikal dan mental seterusnya memupuk semangat kerjasama.

"Dengan persediaan rapi, saya yakin dapat menamatkan kayuhan tanpa masalah terutama dalam cuaca panas dan hujan. Saya berharap tidak berlaku kerosakan pada basikal," katanya.